

Txirritola

ARAMAIO / Barikua / 2005eko maiatzaren 13a / 150. zenbakia

KOORDINATZAILEA: Ubane Madera • Otorala Lizentziaduna 31 20500 ARRASATE • Tel.: 943 71 25 11 • Faxa: 943 71 23 89 • Posta elektronikoa: txirritola@goiena.com • Lege gordailua: SS.1084/02

Kultura-etxean itoginak daude oraindik eta kiroldegian konponketak behar dira

UBANE MADERA

Kultura-etxearen eta kiroldegiaren zenbait erabiltzaile ez daude batere pozik eraikinen egoera dela-eta. Kultura-etxearen kasuan, itoginak dituzte zenbait gelatan; kiroldegian, berriz, bi kristal daude apurtuta.

2001ean inauguratu zuten kultura-etxea. Sasoi hartako 150 milioi pezeta (900.000 euro inguru) inbertitu zituzten eraikineko hiru solairuak berritzen. Eta itxura ona izan arren, hasiera-hasieratik izan dituzte arazoak eraikin horretan, hezetasunarengatik. Kontua da kultura-etxeak goian terraza duela eta handik ura iragazi egiten dela.

KZGUNEA ETA INGELES ESKOLA

Hasieran, hirugarren eta bigarren solairuetan izan zituzten iragazketak. Orain, berriz, bigarren pisuan bakarrik daude. Izan ere, iragazketak konpondu nahian, lanen bat zein beste egin izan dute, eta haiei esker, hirugarren pisukoak desagertu egin ziren. Ordea, bigarren pisuaren egoera eskas samarra da: KZGunean edukiontzi bat ipini behar izan dute izkina batean, eta bestean ontzi bat, sabaitik jausten den ura batzeko. Ingeleseko gelan, berriz, goiko




Eskuman ikusten dira kultura-etxe ingeles eskolan dauden itoginak; ezkerrean, berriz, kiroldegian arazoak sortzen dizkien apurtutako leihoa ikusten da.

argazkian ikusten duzuen moduan, bi lekutatik sartzen zaie ura. Eta gela horiek lotzen dituen pasilloaren sabaian zuloa ikusten den arren, dagoeneko itoginik ez dago. Baina paretan hezetasuna ikusten da.

Udaletxeako ahaleginu izan dira arazoa konpontzen, baina orain arte ez dute lortu.

KIROLDEGIAN, ZER

Kiroldegiari dagokionez, kontaktu digute pare bat kristal dituztela



apurtuta joan den otsailaz geroztik. Kontua da leihoetako bat iparraldera begira dagoela eta handik haize hotza eta euria sartzen zaiela. Horren ondorioz, besteak beste, leihopeko eta inguruko zoruak putzuak sortzen zaizkie.

UDALETXEKOAK, ARI DIRA

Esandako guztiaren gainean udaletxean galdetu dugu eta Mertzxe Mondragon alkateak erantzun digu badakitela zein den kultura-etxearen eta kiroldegiaren egoera, eta ari direla lanean.

Gazte Eguna 05 pontzo-pontzo baina animoso ospatuko dute gazteek

U.M.

Bigarren urtez, Gazte Eguna ospatuko dute Aramaio Tropikaleko Gazte Asanbladak antolatuta. Bihar, zapatua, izango da. Eguerdian hasiko dira ekitaldiak. Besteak beste, bazkaria egingo dute eskolan, baita capoeira erakustaldia ere.

Gazteek egin dute hitzordua: bihar, zapatuan, 12:30ean triki-

poteoarekin estreinatuko dute Gazte Eguna 05. Herriko plazan hasiko da txikiteoa, gazte taldeko trikitilariak girotuta. Hortik aurrera, bapo bazkaldu, bertsolariak entzun, eta besteak beste, jolastu egingo dute Aramaion.

Bazkaria 14:00etan hasiko da. Eskolan izango da. Besteak beste, Jokin Labaien eta Enaitz Alustiza bertsolariak kantuan ibiliko dira eta horren ostean, *Super Show*-a iragartzen du Aramaio

Tropikaleko Gazte Asanbladak, Ondarroako mago baten eskutik.

BAZKALOSTEKOA

Lasai bazkaltzeko eta bazkalondan trankil egoteko astia utziko dute gazteek. Horren ostean, berriro kalera atera eta txikiteoa egingo dute. Baina txikiteo berezia izango da, tabernarik taberna jolas herrikoiak tartekatuko dituzte-eta: oskolak batzea, sokatira...



Aramaio Tropikaleko Gazte Asanbladak antolatutako du Gazte Eguna 05.

TELEFONO JAKINGARRIAK

OSASUNA / LARRIALDIAK

Osasun etxea (txaridak)	945 44 53 40
Botika	945 44 50 03
Udaletxea	945 44 50 16
Ertzaintza (Arrasate)	943 79 71 99
Gurutze Gorria (Legutio)	945 45 52 52
San Martin Eskola	945 44 50 04
Taxia eta autobusak	945 44 50 33
Udal kiroldegia	945 44 53 35
Postetxea	945 44 50 83
Zuako Eskualdea	945 43 01 67
Suhiltzaileak (Zubillaga)	943 78 28 00

AUTOBUSORDUTEGIA

ARRASATE	ARAMAIO	GASTEIZ
07:00	07:15	08:00
10:00*	10:15	
11:00	11:15	
12:00*	12:15*	13:00
15:15	15:30	16:15
17:20	17:35	
18:30*	18:45	
20:30	20:45	21:25
21:00*	21:15	

GASTEIZ	ARAMAIO	ARRASATE
	07:50	08:05
08:15	09:00	09:15
	10:15*	10:30
	11:15	11:30
13:10	13:55	14:10
16:20	17:05	17:20
	17:35	17:50
	18:45*	19:00
19:30	20:00	20:15

OHARRA: izartxoan duten orduetan eskaeraren araberako zerbitzua eskaintzen dute. Auzoetako bizilagunei zuzendutakoa da, eta autobusa erabiltz gura badute, bezperan deitu beharko dute honako zenbaki honetara: 629 54 59 23

OHARRAK

BARIKUKO ZINEMA

Oraingo honetan, *Un toque de canela* filma emango dute. Tassos Boulmetis zuzendaria egindako drama erromantikoa da, 108 minutukoa. Adituen esanetan, *Deliciosa Marta* edo *Como agua para chocolate* filmen estilokoa da Grezian eta Turkian egindako film hau. 22:30ean hasiko da. Sarrera: euro bat.

DOMEKAKO ZINEMA

Oraingo honetan, marrazki bizidunak ohiko film baten egiturarekin nahasten dituen komedia emango dute: *¿Quién engañó a Roger Rabbit?*. Umeendako zinema saioan eman arren, film hori egokia da edozein adinetarako. 17:00etan hasiko da.

UEU-RAKO DIRULAGUNTZAK

Udako Euskal Unibertsitateak uztailean egingo dituen ikastaroetarako izenemate epea zabaldu dute, ekainaren 19ra arte. Hala, Aramaioko Udalean aukera dago dirulaguntza eskatzeko. Eskolak hiru lekutan izango dira: Miarritzen, uztailearen 4tik 8ra, Eibarren, 11tik 15era eta Iruñean, 18tik 22ra.

Apurketak jasan dituzte azken asteotan San Martin Eskolan

U.M.

San Martin Eskolako zuzendari Paulino Ibabek kontatu digunez, eskolako gimnasioan altura txikian dauden zenbait leihotako kristalak pitzatu zituzten San Prudentzio zubiaren ostean. Orain, joan den asteburuaren ostean, guztiz apurtu dizkiete gimnasioko leihoak.

Kristal bereziak dira gimnasio-ko leihoetan daudenak, gogorak. Eta indar handia behar da haiei kalteren bat eragiteko. Hala ere, pitzatuta azaldu ziren San Prudentzio zubiaren ostean. Orain, joan berri den asteburuan, guztiz apurtu dituzte leiho horietako kristalak.


Eskolako zuzendariak jakinarazi digunez, gutxi gorabehera, 400 bat euro kostako da apurtutako kristalak aldatzea.

Horrez gainera, Bañera parkeko bi kale argi ere apurtuta agertu ziren astelehenean. Udaleko teknikariek egindako aurrekontuaren arabera, 720 euro pasatxo kostako da haiek konpontzea.

Eta lekukoek kontatu digutenez, inguru guztia paperez beteta zegoen, hauteskundeetako paperez.

ZAINZA HANDITUKO DUTE

Astelehen goizean bertan Mertxe Mondragon alkatea eskolan izan



U.M.

Eskolakoek kartoiak ipini behar izan dituzte gimnasioko leihoetan.

zen, kalteak ikusten; geroago, eguerdi aldera, Ertzaintzak lekua ikuskatu zuen, markak-eta aurkitu nahian. Orain, emaitzak ikusi behar.

Apurketen egileen gainean, berriz, zera adierazi digu eskolako zuzendari Paulino Ibabek: "Ez zaigu inori polizia lanak egitea gustatzen, baina herriko familia batzuk ezusteko bat hartu baino lehen, komeni da seme-alabekin bakoitzak bere etxean hitz egitea. Eta denok parte hartuz saihestea halako egoerak".

ERAGIN NEGATIBOA

Horrekin batera, eskolako zuzendariak gogora ekarri du, batetik, mota horretako apurketak herritar guztien artean ordaintzen direla.

Bestetik, nabarmendu digu halako gertaerak ikusteak eragin handia duela eskolako ikasleengan, batez ere, gaztetxoengan. Halaber, kontatu digu astelehenean, gimnasioko apurketak ikusi zituztenean, oso inpresio negatiboa hartu zutela eskolako neska-mutikoek.

Mediterraniar Jokoak zalantzan dira Undarendako

U.M.

Bihar, zapatua, lehiaketa du Mainer Undak Madrilan. Berez, Mediterraniar Jokotara sailkatzeko gainditu beharreko froga da hura, eta Oletako borrokalariak aukera handia du lortzeko. Joan den astelehenean, ordea, jakinarazi zioten irabazi arren, akaso ez duela jokoetan parte hartzerik izango.

Kontua da gutxienez sei laguneko taldea eskatzen dutela Mediterraniar Jokotetan parte hartzeko. Mainer Undaren taldean, berriz, bost kirolari besterik ez dira. Gauzak horrela, akaso ezin izango dute Mediterraniar Jokotarako inskripzioa egin. Hala balitz, Mainer Undak irailera arte ez luke bestelako norgehiagokarik izango. Irailean, berriz, mundiala jokatuko du.

Edozelan ere, era berean, jakinarazi diete oraindik ahaleginduko direla jokoetarako izena ematen. Hain justu ere, ekainean jakingo dute Mediterraniar Jokoen antolatzaileek onartzen duten edo ez inskripzio hori.

BIHAR, BORROKA

Kontuak kontu, bihar borrokatu egin beharko du Mainer Undak. Madrilan da bera, joan den eguztenaz geroztik, entrenatzen, kirolarien Blume erresidentzian.

Biharko borroka, 09:00etan hasiko da, Argantzuelako Zentro Integralean. Dena dela, guk Mainer Undarekin berba egin genuenean, borrokarako zozketa egin barik zegoen eta oletarrak oraindik ez zekien zeintzuk izango dituen bihar aurkari.

Edozelan ere, kontatu zigun lauzpabost borrokalari izango direla guztira, Estatukoak eta Venezuelakoak, eta akaso Moldaviakoak ere joango direla lehiatzen. Hala, bizpahiru borroka irabazten ahalegindu beharko da Oletako borrokalari. Eta bestetan baino zailago izango du irabaztea, legeak aldatu berri dituzte-eta.

BITARTEAN, IKASTEN

Hori bai, bien bitartean, denbora aprobetxatzen dabilela kontatu digu Mainer Undak: "Venezuelakoarekin entrenatzeko aprobetxatzen nabil, amerikarrek borrokatzeko beste era bat dute-eta".



Manex Arriolabengoa, Donostian lehiatzen

Bihar eta etzi jokatuko dute Jose Azpiazu Gitarra Lehiaketa. Urtero antolatzen dute, Donostiako Udaletxean. Bihar, lehen kanporaketa jokatuko dute. Eta domekan, bigarren saioa. Manex Arriolabengoa lehen aldiz parte hartuko du. Hiru mailatan banatuko dituzte musikariak. Manex 11-13 urtekoen artean lehiatuko da. Bihar, 09:00etan hasiko dira frogak. Gaztetxoek lehenengo eta nagusienak gero. /U.M.

LABUR

Pirinioetara irteera antolatu du Orixol Mendi Elkartek

Maiatzaren 21 eta 22rako antolatu dute mendi-irteera. Maiatzaren 21ean, 06:00etan aterako dira Aramaiotik eta egun horretan bertan bospasei orduko ibilaldia egiteko asmoa dute: Gabardito, Bisaurin eta Lizara. Maiatzaren 22an, berriz, hortik aurrera segituko dute: Lizara, Aspe eta Candanchú; beste bospasei orduko ibilaldia egingo dute.

Manuel Iradier abesbatzak saioa du, Zigoitia Aretoan

Gaur, barikua, izango da kontzertua, 20:00etan. Orotariko kantuak interpretatuko dituzte, euskaraz zein espainieraz.

Bestalde, maiatzaren 20rako, barikua, umeendako ikuskizuna antolatu dute, Pico Pico taldearekin, 19:00etan.

Jon Agirreren aldeko ekimenak egingo dituzte

Bihar izango dira ekimenak. Besteak beste, 18:30ean, auto-karabana aterako da Aramaiotik Arrasateko Zigorrola auzora, hango jaietara.